



Broj predmeta: 02-000049/20
Broj akta: 01.1-1141SM-167/20
Datum, 27.4.2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, na prijedlog Odjeljenja za zdravstvo i ostale usluge, broj predmeta: 05-000294/20, broj akta: 05-1367AP-0003/20 od 10. 4. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 27. 4. 2020. godine i z d a j e

N A R E D B U

Član 1.

Ovom naredbom donosi se Plan mjera za puštanje u rad privrednih subjekata u Brčko distriktu Bosne i Hercegovine.

Član 2.

- (1) Puštanje u rad privrednih subjekata obavljat će se u fazama, pod strogim mjerama i intenzivnim nadzorom provođenja ovih mjera.
- (2) Interval između puštanja pojedinih djelatnosti, odnosno faza je od 10 do 14 dana, nakon procjene epidemiološkog stanja i utvrđivanja da nije došlo do pogoršanja.

Član 3.

- (1) Nalaže se privrednim subjektima čiji je rad organizovan na način da rade cijeli dan da organizuju rad na način da prave dnevnu pauzu od 30 minuta do sat vremena između smjena, kada bi uradili dezinfekciju prostora.
- (2) Nalaže se privrednim subjektima da organizuju rad na način da se izbjegne kontakt između radnika u smjenama.

Član 4.

- (1) U prvoj fazi, počevši od 4. maja 2020. godine, dozvoljava se rad sljedećim privrednim subjektima:
- a. Trgovine na malo i veliko osim trgovine odjećom,
 - b. Vozačke škole / autoškole,
 - c. Zanatske djelatnosti (osim frizerskih i drugih tretmana za uljepšavanje, djelatnosti za njegu i održavanje tijela),
 - d. Biblioteka bez korištenja čitaonice i obavezom „karantina“ do 72 sata za knjige; galerija, muzej.
- (2) Radno vrijeme privrednih subjekata iz prethodnog stava je do 18.00 sati.

Član 5.

U drugoj fazi, koja slijedi nakon perioda **od 10 do 14** dana, ako se nakon prve faze popuštanja mjera ne utvrdi pogoršanje epidemiološke situacije, dozvolit će se rad sljedećim privrednim subjektima:

- a) Trgovine odjećom,
- b) Frizerski i drugi tretmani za uljepšavanje, djelatnost za njegu i održavanje tijela,
- c) Privatni zdravstveni sektor (uz procjenu rizika pojedinih tretmana od strane ljekara i korištenja propisanih nivoa zaštite),
- d) Javni gradski prevoz,
- e) Pojedinačni sportovi na otvorenom,
- f) Teretane, fitnes centri i dr. oblici sličnih djelatnosti uz prethodnu donesenu proceduru vlasnika privrednih subjekata koja uključuje popis epidemioloških mjera (raspored sprava, termine korištenja, broj osoba koje mogu boraviti istovremeno, dezinfekciju i sl.),
- g) Buvlja pijaca.

Član 6.

U trećoj fazi, koja slijedi nakon perioda od 10 do 14 dana, ako se nakon druge faze popuštanja mjera ne utvrdi pogoršanje epidemiološke situacije, dozvolit će se rad sljedećim privrednim subjektima:

- a) Privredni subjekti koji se bave ugostiteljskom djelatnošću (kafići, restorani, slastičarne...), usluživanjem hrane i pića isključivo na otvorenim površinama (bašte) pod ograničenim uslovima,
- b) Restoranske usluge u hotelima u zatvorenom prostoru, samo za goste u smještaju,
- c) Kladionice, kockarnice (bez zadržavanja u prostoru),
- d) Okupljanje najviše do 10 osoba na otvorenom prostoru, uz poštovanje mjera fizičkog razmaka,
- e) Grupni sportovi na otvorenom do 10 osoba uz provođenje mjera,
- f) Vjerski objekti u zatvorenom prostoru u svrhu obavljanja vjerskih obreda najviše do 10 osoba (na površini ne manjoj od 100 m²),
- g) Ispraćaj preminulih (sa ili bez vjerskog obreda) članovi najuže porodice plus do 10 osoba,
- h) Javni zdravstveni sektor u punom kapacitetu.

Član 7.

Obavezno je pridržavanje Naredbe o proceduri za sprečavanje i suzbijanje epidemije COVID-19 u prostorima privrednih subjekata, ustanova, institucija i javnih službi, broj predmeta: 02-000049/20, broj akta 01.1-1141SM-158/20 od 23. 4. 2020. godine.

Član 8.

Privrednim subjektima koji ne budu poštovali naloge iz ove naredbe zabranit će se rad bez prava na subvenciju i druge pomoći Vlade Brčko distrikta BiH.

Član 9.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Odjeljenju za zdravstvo i ostale usluge
 - Pododjeljenje za javno zdravstvo
5. Svim odjeljenjima Vlade (12x)
6. Uredu gradonačelnika / Inspektorat
7. Policiji Brčko distrikta BiH
8. Članovima Štaba (34x)
9. Ministarstvu sigurnosti BiH, terenski centar Brčko
 - Služba za rad sa strancima, Trg mladih br. 8
10. Ministarstvu sigurnosti BiH – Granična policija BiH
11. Institucijama Brčko distrikta BiH (8x)
12. Javnim preduzećima, fondovima i zavodu (7x)
13. Sekretaru Vlade (3x)
14. „Službenom glasniku Brčko distrikta BiH“
15. Arhivi.

GRADONAČELNIK

Mr. sc. Siniša Milić